



# **BOLLETTINO**

SALA STAMPA DELLA SANTA SEDE

N. 0061

Sabato 04.02.2006

## **LETTERA DEL SANTO PADRE ALL'INVIATO SPECIALE ALLA CELEBRAZIONE DELLA XIV GIORNATA MONDIALE DEL MALATO (ADELAIDE, AUSTRALIA, 11 FEBBRAIO 2006)**

LETTERA DEL SANTO PADRE ALL'INVIATO SPECIALE ALLA CELEBRAZIONE DELLA XIV GIORNATA MONDIALE DEL MALATO (ADELAIDE, AUSTRALIA, 11 FEBBRAIO 2006)

In data 22 dicembre 2005, il Santo Padre Benedetto XVI ha nominato l'Em.mo Card. Javier Lozano Barragán, Presidente del Pontificio Consiglio per la Pastorale della Salute, Suo Inviato Speciale alle celebrazioni della XIV Giornata Mondiale del Malato, che avranno luogo ad Adelaide (Australia) l'11 febbraio 2006.

La Missione che accompagnerà l'Em.mo Card. Javier Lozano Barragán è composta dai seguenti ecclesiastici dell'arcidiocesi di Adelaide:

- Rev.do Mons. James O'Loughlin, Parroco a Salisbury;
- Rev.do Mons. Vincent Tiggeman, Vicario Giudiziale emerito.

Pubblichiamo di seguito la Lettera del Papa all'Inviato Speciale:

### **• LETTERA DEL SANTO PADRE**

Venerabili Fratri Nostro  
XAVERIO S.R.E. CARDINALI LOZANO BARRAGÁN  
Praesidi Pontificii Consilii pro Valetudinis Administris

Mente sane animoque attento prosequimur atque ex longinquo salutare cupimus universos in terrarum orbe aegrotantes ceterosque ad sollicitam horum fratrum curam adhibendam hortari. Adveniente vero memoria Beatae Mariae Virginis Lapurdensis, qua celebrabitur XIV Dies Universalis pro Aegrotantibus, hanc arripimus opportunitatem ut praecipuam Nostram iis confirmemus necessitudinem.

Cum quidem noverimus hoc anno celebritates has in Australia fieri, videlicet in urbe Adelaidensi, volumus illuc quendam Patrem Purpuratum mittere Nostras gerentem vices. Tu vero, Venerabilis Frater Noster, qui multos iam per annos maxime in animo habes aegrotantium in mundo sortem atque optime praees Pontificio Consilio pro Valetudinis Administris, prorsus idoneus Nobis videris ad hanc legationem explendam.

Cum autem peculiare argumentum huius congressionis sit mentis aegrotatio, praecipuam caritatem manifestare volumus omnibus in orbe terrarum variis mentis infirmitatibus affectis eorumque familiaribus ceterisque hos fratres sororesque patienter et amanter assistentibus. Tu ergo, Venerabilis Frater Noster, sensus Nostros iis transmittas eosque certiores facias volumus de Nostra coram Domino pro eorum necessitatibus oratione. Simulque Nostro nomine universos christianos atque Nationum et religionum moderatores humanissime hortaberis ut dignitatem cuiusque horum fratrum agnoscere et fovere studeant.

Die igitur XI proximi mensis Februarii liturgicis celebrationibus Nostro nomine Adelaidopoli praesidebis Nostramque benignam omnibus significabis salutationem. Congregatos illic christifideles invitabis ad constantem devotionem erga beatissimam Virginem Mariam, quae Salus est infirmorum, ut ipsa a Divino Filio uberrimas imploret gratias, praesertim in tribulatione patientiam et eximiam erga omnes caritatem.

Denique Benedictionem Nostram Apostolicam imo ex corde tibi impertimus, quam cunctis in venusto cathedrali templo sancto Francisco Xaverio dicato congregatis omnibusque huius XIV Diei Universalis pro Aegrotantibus participibus peramanter transmittendam curabis.

Ex Aedibus Vaticanis, die VI mensis Ianuarii, anno MMVI, Pontificatus Nostri primo.

BENEDICTUS PP. XVI

[00179-07.02] [Testo originale: Latino]

---